

OINARRI ARAUTZAILEAK, BIZITZAREN ARLO GUZTIETAN EMAKUMEEN ETA GIZASEMEEN ARTEKO EGIAZKO BERDINTASUNA ERDIESTEKO, 2023an PROIEKTUAK ETA JARDUERAK EGITEN DITUZTEN IRABAZI ASMORIK GABEKO LIZARRAKO ELKARTE ETA ENTITATEEI DIRULAGUNTZAK EMATEKO

1.- Xedea.

Deialdi honen xedea da bizitzaren arlo guztietan emakumeen eta gizasemeen arteko berdintasuna erdiesteko bidean aurrera egiteko 2023an proiektuak eta jarduerak egiten dituzten irabazi asmorik gabeko Lizarrako emakumeen elkarteendako eta beste entitateendako Lizarrako Udalak emanen dituen dirulaguntzak arautzea.

Dirulaguntza honen xedea da bizitzaren arlo guztietan emakumeen eta gizasemeen arteko egiazko berdintasuna eta emakumeen ahalduntze banakakoa eta taldekoa sustatu eta bultzatzea. Orobat, diskriminazioaren aurka egitea eta emakume guztiek herritar gisa dituzten eskubideak bere osotasunean erabil ditzaten bultzatzea.

2. Dirulaguntza emateko prozedura.

Dirulaguntza emateko prozedura norgehiagokako araubidean tramitatuko da. Xede horretarako, dirulaguntzak emanen dira behar den denboran eta forman aurkeztutako eskaerak aztertuz, eta oinarri arautzaile honen 10. zenbakiko oinarrian ezarritako irizpideak aplikatuz.

3.- Baliabide ekonomikoak

Estella-Lizarrako Udalak dirulaguntza deialdi honetarako 2023an zuzentzen duen aurrekontua Estella-Lizarrako udalerrian genero berdintasuna erdiesteko bidean aurrera egiteko jarduerak eta programak gauzatzeko 12.000 eurokoa da, 239104820000 "Dirulaguntzak Elkarteei Berdintasun Arloa" diru-sailaren kontura, 2023 ekitaldikoa.

Dirulaguntzak emateko baldintza izanen da kreditu egoki eta nahikoa izatea ebazpena ematen den unean, Dirulaguntzei Buruzko Lege Orokorraren Arautegiaren 56. artikulua xedatzen duen bezala (887/2006 Errege Dekretua, uztailaren 21ekoa).

4.- Elkarte eskatzaileen baldintzak

Dirulaguntza jasoko dute Estella-Lizarrako emakumeen elkarteek eta irabazi asmorik gabeko beste Entitateek berdintasun arloan lan egiten dutenak eta eskabideak aurkezteko epea amaitzean honako baldintza hauek betetzen dituztenak (baldintza hauek ekitaldi ekonomiko osoan zehar mantendu beharrekoak dirulaguntza jaso ahal izateko):

- a) Pertsona juridikoa izatea, legeari jarraikiz eratuak eta Nafarroako Gobernuako elkarten eta/edo Nafarroako Berdintasunerako Institutuaren emakume elkarten erregistroan behar bezala inskribatuak izatea, uztailaren 27ko 52/2016 F.D.aren babesean eratuak, Nafarroako Foru Komunitateko Emakume Elkarten zentsua arautzen duena.
- b) Elkarteak irabazi asmorik ez izatea.
- c) Egoitza soziala Estella-Lizarran edukitzea eta jarduera Estella-Lizarran egitea.
- d) Zerga-betebeharrak, Gizarte Segurantzarekikoak eta Estella-Lizarrako Udalarekin eguneratuak izatea.
- e) Aurreko urteetan jasotako diru-laguntzen zenbatekoa justifikatu gabe ez izatea.

- f) 1 eta 5 oinarrietan ezarritakoaren arabera jarduerak burutzeko, eta beren estatuen xedean parte-hartze aktiboa bultzatzeko jarduerak gehitzea, baita bizitza sozialean, kulturean, ekonomikoan eta politikoan edo generoaren ikuspegitik emakumearen egoera hobetzeko izan diren beste jarduerak analogoak ere, hau da, emakumeen eta gizonen arteko berdintasuna bultzatzeko dituztenak.

5.- Dirulaguntzak jaso dezaketen proiektuak. / Diruz lagundu daitezkeen gastuak.

5.1. Diruz lagunduko diren proiektuak jarduerak hauetara zuzenduko direnak izan dira:

- a) Emakumeen elkartegintza eta parte-hartze soziala bultzatzea, laguntzea eta dinamizatzea, emakume eta nesken ahalduntze banakakoa eta kolektiboa sustatuz.
- b) Emakumeen presentzia eta parte-hartzea bultzatzea eta finkatzea gutxiegi ordezkatzen duten esparruetan
- c) Ikertzea, jendarteratzea eta/edo sentsibilizatzea arlo hauetan: emakumeen eta gizonen arteko berdintasuna, emakumeen eskubideen sustapena eta defentsa, eta emakume erreferenteen eta emakumeen genealogien sorrera.
- d) Honako hauei buruzko prestakuntza ematea: emakumeen eta gizonen arteko berdintasuna, emakume eta nesken ahalduntzea.
- e) Emakumeen eta nesken aurkako indarkeria prebenitzea eta desagertzea
- f) Emakumeen eskubideekin eta eskaerekin lotutako garrantzi bereziko datuak aldarrikatzea.
- g) Estella-Lizarrako Elkarten topaketa burutzeko, emakumeen elkarten mugimendua dinamizatzeko, motibatzen eta bultzatzeko helburuarekin; hala nola, elkarten arteko trukea eta kooperazioaren sustatzea egiteko.
- h) Hausnarketa piztea eta zainketak eta erantzunkidetasuna balioestea, erantzunkidetasunaren arloko beharrak konpontzea eta zalantzan jartzea sexuen arabera lan banaketa.
- i) Beste aldagai batzuekin –besteak beste adinarekin, dibertsitate funtzionalarekin, orientazio sexualarekin edo genero identitatearekin– izandako interseksionalitate sortzen diren hainbat desberdinkeria lantzea.

5.2. Deialdi honetatik at geratuko dira proiektuak eta jarduerak hauek:

- a) Diseinu, abiarazte eta ebaluazioan genero ikuspegia ez duten proiektuak.
- b) Aisia eta dibertimendurako jarduerak.
- c) Udalaren Berdintasun Zerbitzuaren berezko programak eta jarduerak.
- d) Diruz lagundutako entitatearen edo elkartearen langileen nominak.

5.3. Zuzeneko gastuak izan ahalko dira:

- a) Laguntza teknikoak (enpresen kontratazioa, profesionalen ordainsariak, joan-etorriak, dietak eta ostatua). Enpresa bat kontratatzen bada, enpresak generoaren arloko prestakuntza duten langileak dituela ziurtatu beharko du, eta langile horiek garatu beharko dute proiektua.
- b) Diruz lagundutako jarduerari lotutako gastuak orokorrean, haien artean argitalpen, publizitate edo hedapen gastuak.
- c) Jarduera egiteko erabiltzen diren lokalen edo ekipamenduen alokairu gastua edo material suntsikorrena (gehienez %20 diruz lagundutako kopurutik). Alokairuari dagokionez soilik onartuko da alokairuaren dirulaguntza ekintza ezin izan denean lokal

publiko batean egin. Kasu hauetan justifikatu beharko da zergatik ezin izan den areto edo gune publiko batetan.

- d) Bere burua zaindu ezin duten pertsonak diruz lagundutako jarduerak egiten diren bitartean zaintzearen ondoriozko gastuak (haurtzaindegia, ludoteka, zaharren zainketa...)

5.4. Deialdi honetatik kanpo geratzen diren gastuak: gosegarri, bazkari eta antzekoak, publizitatearekin erlazionaturik dauden gastuak edo elkarte beraren promozioa.

5.5. PFEZaren atxikipena duten fakturek, atxikipen horien ordainketa haziendari erantsi beharko dute. Km.aren kasuan, gehienez ere 0,32 euro onartzen da ibilitako km bakoitzeko.

Faktura lortu ezin den kasuetan, hartze-agiriak onartuko dira, datatuak eta sinatuak, dirulaguntzaren hartzailearen datuak izanen dituztenak. (Izena, deiturak, NAN eta jasotako zenbategia).

Sarrerak, zozketak, ikastaroak... edo tiketen bidezko salmentako bestelako diru-sarrerak badira, entitate onuradunaren idazkariaren ziurtagiria erantsiko da.

5.6. Zinpeko aitortpena aurkeztu beharko da, faktura bakoitzean sartutako BEZaren kengarritasunari buruzkoa. BEZ kengarria ez da inola ere diruz lagunduko.

5.7. Justifikazioaren aurkezpena Udalaren Erregistro Orokorrean elkartearen ordezkariak egindako eskabide baten bidez egingen da, horrekin batera, agiri ofizialak edo aipatu egiaztagirien kopiak erantsiko dira, baita egindako jardueren memoria ere, atxikituta dagoen IV. eranskineko ereduaren arabera, eta Excel formatuan igualdad@estella-lizarrarra.com posta elektronikora bidaliko da.

5.8. Elkarte/entitate bakoitzak proiektu bakarra aurkeztu dezake.

6.- Eskaerak eta dokumentazioa.

Dirulaguntza eskatzen duten emakumeen elkarte edo irabazi asmorik gabeko entitateek dokumentazio hau aurkeztu beharko dute (jatorrizko agiria edo behar bezala konpultsatutako kopia):

- a) Estella-Lizarrako Udaleko Eskabide Orokorra, entitatearen presidenteak sinatuta.
- b) Proiektuaren deskripzioa (I. Eranskina).
- c) Nortasunaren frogagiriak, estatutuak (gizon eta emakumeen arteko benetako berdintasuna bizitzaren eremu guztietan lortzeko entitateak duen konpromisoa erakusten dutenak) eta identifikazio Fiskalaren txartela. (Ez da beharrezkoa izan aipaturiko dokumentazioa aurkeztea, estatutu horiek aurretik emanak izan badira eta ez badute gerora aldaketarik izan).
- d) Banku entitatearen jatorrizko ziurtagiria, zeinetan dirulaguntza sartu beharko den. Egiaztagiri hori eguneratutako dataekin aurkeztu beharko da.
- e) Elkartearen edo entitatearen ordezkariak sinatutako adierazpena, ordezkari organoa osatzen dutenen identitatearen eta sexuaren berri ematen duena.
- f) Elkarteen kasuan: elkartearen ordezkariak sinatutako adierazpena, emakumezko bazkideen kopurua, gizezko bazkideen kopurua eta 30 urtetik beherako emakumezko bazkideen kopurua zehazten dituenak.

- g) Ziurtagiri eguneratua, elkarteak edo entitateak zerga betebeharrak eta Gizarte Segurantzarekikoak eguneratuak dituela egiaztatzen duena, deialdia argitaratu ondoren luzatua.
- h) Elkartearen edo entitatearen ordezkariak egindako erantzukizunpeko adierazpena, puntu hauek baieztatzen eta/edo aitortzen dituenak:
 - o Ez duela diru-laguntzei buruzko azaroaren 17ko 38/2003 Legearen 13. artikuluan diru-laguntzen onuradun izateko ezarritako debekurik.
 - o Entitate eskatzaileak beste edozein administrazio publikoaren edo pribatuaren laguntzak jaso eta/edo eskatu dituela xede eta helburu bererako.
 - o Entitateak zigor edo administrazio arloko zehapen baten ondorioz dirulaguntza publikoak lortzeko aukera galdu ez duela, eta horretako desgaitasuna ekartzen duen legezko debekurik jaso ez duela.

7.- Eskerak aurkezteko epea eta lekua.

Eskerak Estella-Lizarrako Udaleko Erregistro Orokorrean aurkeztuko dira, asteleheneetik ostiralera, 9:30etik 14:00etara, eta entitateko lehendakariak edo behar bezala egiaztatutako eskuordetza duenak sinaturiko eskabide batez lagundurik joanen dira, Estella-Lizarrako Udaleko ereduarekin bat etorri beharko direnak. Kopia igualdad.berdintasuna@estella-lizarra.com posta elektronikora bidaliko da. Eskerak aurkezteko epea hilabete batekoa izanen da, deialdia Nafarroako Aldizkari Ofizialean argitaratu eta gero.

8.- Akats zuzenketa dokumentazioan.

Emandako eskerak edo dokumentazioak deialdiak ezarritako baldintzak betetzen ez baditu, interesaturik dagoen entitateari eskatuko zaio gehienez ere 10 laneguneko epe luzaezinean, zuzenketa egiteko. Eginen ez balu, bere eskaera bazterturik geratuko dela adieraziz, aurrez harturiko erabakiaren bidez, eta erabaki hori idatziko da Herri Administrazioen Araubide Juridikoaren eta Administrazio Prozedura Erkidearen Legearen 71. artikuluekin bat.

9.- Argibidea eta aholkularitza.

Udaleko Berdintasun Zerbitzuak informazioa eta aholkua eskainiko die deialdi honen esparruan dirulaguntza eskatzeko interesa daukaten elkarteei. Kontsultak 948548237 telefonoaren bidez edo igualdad.berdintasuna@estella-lizarra.com posta elektronikoaren bidez egin ahalko dira.

10.- Diru-laguntzen ematea zuzenduko dituzten irizpideak

Dirulaguntzak emateko eskabideen baloraziorako irizpide objektiboak honako hauek izanen dira:

Aurkeztutako proiektuaren kalitateari buruzko irizpideak: 60 puntu

- a) Proposamenaren kalitate teknikoa: helburuen arteko koherentzia, neurriak, aurreikusitako denborak, baliabide ekonomikoak eta giza-baliabideak eta ebaluazioa (10 puntu)
- b) Genero ikuspegiaren txertatzea proiektu osoan eta hizkera ez sexista. (8 puntu).

- c) Proiektuak emakumeen eta gizonen arteko berdintasuna bultzatzen duten entitatearen gainerako proiektu edo jarduerekin duen erlazioa.(4 puntu)
- d) Proiektua errealitatera eta herriaren berriazko beharrei egokitzea.(10 puntu).
- e) Jardueren eragina edo esperotako emaitzak udalerrian.(5 puntu).
- f) Elkarte edo entitatearen lankidetzak emakumeen beste elkarte batzuekin proiektua prestatu eta gauzatzeko. (10 puntu).
- g) Proiektuak berdintasunaren aldeko aurrerapenean duen interes soziala eta elkartean emakume gazteen parte-hartzea sustatzea.(5 puntu).
- h) Proiektuko jardueren osagarritasun Udalaren berdintasun jarduketekiko.(5 puntu).
- i) Elkartearen parte hartzea Arloak edo NBIak sustatzen dituzten ahalduntze-kolektiboko programetan. (3 puntu).

Entitate eskatzailearen gaitasuna eta helburuak: 30 puntu

- a) Emakumez osatutako elkarteak izatea (sortze-akta aurkeztuko da edo justifikatzen duen dokumentua).(10 puntu)
- b) Entitate eskatzailea emakume elkarte bat ez bada, entitatearen konpromisoa emakumeen eta gizonen arteko berdintasuna bere lanean: esperientzia berdintasunean, lan-urteak, berdintasun eragilea izatea... (5 puntu)
- c) Aurreko proiektuen betetze maila. (5 puntu).
- d) Asoziazionismoaren sustapena eta emakumeen parte-hartzen soziala handitzea. (5 puntu).
- e) Izaera berritzailea duen jarduera, lana emakumeekin (indarkeria matxista, etorkinak, alargunak, desgaitasuna daukaten emakumeak, etab.).(5 puntu).

Proiektuaren aurrekontu orokorra: 10 puntu

- a) Entitate eskatzailearen baldintza eta aukera ekonomikoak proiektua garatzeko.(3 puntu).
- b) Aurrekontua azaldutako jarduerekin bat etortzea.(5 puntu).
- c) Proiektuaren aldirerako finantzaketa maila: erabiltzaileen ekarpenak, entitateak aurreikusitako beste finantzaketa iturri batzuk.(2 puntu).

Emanen den dirulaguntza hurrengo ehuneko hauek ezarrita lortuko da, jasoko den %100 2.250 € izanik:

91tik 100 puntu bitarte lortzen duten proiektuak: eskatutakoa.

81etik 90 puntu bitarte lortzen duten proiektuak: eskatutakoaren %90.

71tik 80 puntu bitarte lortzen duten proiektuak: eskatutakoaren %80.

61etik 70 puntu bitarte lortzen duten proiektuak: eskatutakoaren %70.

50 eta 60 puntu bitartean lortzen dituzten proiektuak: eskatutakoaren %60.

Gutxienez 50 puntu erdiesten ez dituzten proiektuak baztertuko dira.

11.- Balorazioa eta dirulaguntza emateko prozedura.

Estella-Lizarrako Berdintasun Arloari dagokio dirulaguntza emateko prozeduraren instrukzioa. Dirulaguntzak emateko prozedura norgehiagokako araubideari jarraikiz tramitatuko da. Aurrekontuko partida agortzen bada dirulaguntzaren xede izateko gutxienez

puntuaziora iristen diren eskaera guztiei erantzun gabe, hainbanatu egingen da zenbateko orokorra 10. Oinarrian adierazitako kopuruaren arabera.

Batzordeak txostena ikertuko du eta Tokiko Gobernu Batzordeari edo Udalbatzari proposatuko dio onartzea eta ordainketa, bere konpetentzien mugen barnean, nolana ere, dirulaguntzak murrizteko proposamen ahalmena gordez, benetan egin diren gastuen mugaraino.

12.- Diru-laguntzen zenbatekoa.

Deialdi honetarako ezarritako gehieneko kopurua **12.000,00 eurokoa** da, zeina 239104820000 "Dirulaguntzak Berdintasun Arloko Taldeak" diru-sailari egotzia izanen den, Estella-Lizarrako Udalaren 2023 urteko aurrekontukoa.

Estella-Lizarrako Udalak dirulaguntza emateko gehieneko kopuru bat ezartzen du, 2.250€ izanen da.

Deialdian parte-hartzen duten elkarte eta entitate guztiek lortutako puntuazioa diru-sailak duen zenbatekoa baino handiago bada, banaketa modu proportzionalan egingen da, gehieneko kopurura heldu arte.

13.- Bateragarritasuna beste dirulaguntza batzuekin.

13.1. Deialdi honetako dirulaguntzak bateragarriak dira beste erakunde publiko zein pribatua helburu berberaz emandakoekin, betiere gehiegizko finantzaketarik gertatzen ez bada. Hori gertatzekotan, idatziz, egoera hori Udaleko Berdintasun Zerbitzuari jakinarazi beharko zaio; helburua, dirulaguntza ekonomikoaren zenbateko behar den muturreko kopurura murriztea izanik. III. Eranskina.

13.2. Beste administrazio edo entitate batean, publikoa edo pribatua, estatukoa edo nazioartekoa dirulaguntza eskatu edo lortu bada Deialdi honetara aurkeztutako jarduera edo proiektua garatzeko, proiektuaren eskaerarekin aurkeztu den dokumentazioarekin batera azaldu beharko da zein den dirulaguntza eskatu dioten administrazioa edo entitatea, baita eskatutako eta, halakorik bada, emandako diru-kopurua ere. III. Eranskina.

13.3. Diruz-lagundu den jarduerarako kofinantzazio existentzia, zehaztuta izan beharko da ondorengo justifikazio ekonomikoan (zenbatekoa, etorrera, babesten dituen gastuak...). III. Eranskina.

14.- Dirulaguntza ordainketa eta gastuen ziurtagiria.

14.1. Behin dirulaguntza onartuta, emandakoaren %80 ordainduko da; eta gainontzekoa (%20) gastuen justifikazioarekin eta memoriaren aurkezpenarekin emanen da.

14.2. Dirulaguntzaren xedeko jarduketak egin ondoren, elkarte eta entitate onuradunek aurkeztu beharko dute, 2023ko abenduaren 13n, beranduenez, honako agiri hauek:

- Ereduaren araberako memoria, burututako jardueren dokumentuzko frogak aurkeztuko dira eta hauetatik datozen edozein produkturenak edo horren zabalkunderako erabiliak izan direnak: kartelak, sinadura-orriak, ebaluazio-galdetegiak... Jarduketan sinadura-orriak eta balorazio galdetegiak.

- Enpresa bat kontratatu bada proiektua garatzeko, enpresa horren aitortzea, non adierazten baitu generoaren arloko prestakuntza eta esperientzia duten langileak dituela, eta langile horiek proiektua gauzatzearan erantzule zuzenak izan direla.

- Gastuen frogagiriaren zerrenda. Aurkeztutako proiektuaren aurrekontua bere osotasunean justifikatu beharko da. Fakturek ondorengo baldintzak bete beharko dituzte: Jatorrizkoak edo konpultsaturiko fotokopiak izatea, dirulaguntza eskainiko den aldiaren dataturik egotea, arduradunaren NAN zenbakia edo lizentzia fiskalaren zenbakia izatea, hornitzailearen zigilua eta sinadura edukitzea eta eskaera egitean aurkeztutako aurrekontuarekin bat etortzea.

- Diruz lagundutako proiektuan Estella-Lizarrako Udalaren parte-hartzea azaltzeko betebeharrak bete dela frogatzen duen agiria; izan ere, proiektuari lotutako publizitate, hedapen eta agiri guztietan Estella-Lizarrako Udalaren logotipo ofiziala eta/edo testu hau agertu beharko da: "Estella-Lizarrako Udalak lagunduta".

- Laguntza Jarduera ekonomikoen gaineko zerga ordaintzera behartuta dagoen pertsona fisiko zein juridiko batek egindako ekintzari lotuta badago, udaletxean alta eman duela justifikatu beharko du eta zerga ordaintzera behartuta badago, azkeneko ordainketaren ziurtagiria atxikitu beharko du ere.

Zehaztutako datan justifikatu ez diren dirulaguntzak, efekturik gabe geratuko dira eta jasotako eta justifikatu gabea izan den zenbatekoa itzuli beharko du. Ez itzultzekotan, zorra premiamendu bidez eskatuko da.

14.3. Benetako gastuen zenbatekoa justifikatu beharreko zenbatekoa (hau da, aurkeztutako proiektuaren aurrekontua) baino txikiagoa bada, dagokion zatia itzuliko da, edo aipatu zenbatekoa bigarren ordainketatik kenduko da.

15.- Entitate onuradunen betebeharrak.

Deialdi honetako dirulaguntzaren bat jasotzen duten elkarte eta entitateek, edozein kasutan, honako betebeharrak hauek bete beharko dituzte:

15.1. Diruz lagundutako proiektua gauzatea, deialdiaren helburua betez.

15.2. Frogatzea Udalaren Berdintasun Zerbitzuari, betebeharrak, baldintzak eta dirulaguntza emateko arrazoi izan den helburua bete dela.

15.3. Udalaren Kontu-hartzailera Orokorrari dagozkion dokumentazioaren eta finantzaketaren gainean egiten dituen egiaztapen eta kontrol teknikorako jarduketak onartzea.

15.4. Diruz lagundutako jarduerak finantzatzeko lortutako beste laguntza, dirulaguntza, diru-sarrerak edo baliabideak jakinaraztea Udaleko Berdintasun Zerbitzuari. Jakin bezain pronto egingen da jakinarazpena, eta, betiere, jasotako funtsei emandako aplikazioa justifikatu baino lehen.

15.5. Udaleko Berdintasun Zerbitzuari edozein gorabeheraren berri helarazi, objektiboa zein subjektiboa, dirulaguntza emateko kontuan hartutakoa.

15.6. Kontabilitate liburuak edo, bere kasuan, kontabilitateko egoera-orriak izatea, aplikatzen diren legeak eskaturikoak, egiaztapen eta kontrol ahalmenak behar bezala betetzen direla bermatzeko.

15.7. Jasotako funtsen aplikazioari buruzko frogagiriak gordetzea, agiri elektronikoak barne, egiaztapen eta kontrol lanen xede diren bitartean.

15.8. Publizitate egokia eman beharko dute, euskaraz nola gaztelaniaz, programen, jardueren, inbertsioen edo diru-laguntzen finantzaketaren izaera publikoa objektu duen edozein jarduketara mota, Estella-Lizarrako Udaleko eta Entitate honetako Udal Berdintasun Zerbitzuko logotipoekin.

15.9. Dirulaguntza ematean jarritako obligazio partikularrak betetzea.

15.10. Dirulaguntzak lortzeko baldintzak ez betetzekotan, edo burututako jardueraren kostua baino diru gehiago jasotzearen kasuan, hautemandako fondo publikoen itzultzeari ekinen zaio.

16. Dirulaguntzak ematea.

16.1. Dirulaguntzak emateko ebazpena gehienez ere hilabeteko epean emanen da eskabideak aurkezteko azken datatik, interesaturiko entitateei jakinaraziz, Herri Administrazioen Araubide Juridikoaren eta Administrazio Prozedura Erkidearen, urriaren 1eko 39/2015 Legeak aurreikusten duen bezala.

16.2. Dirulaguntza emateko ebazpenean entitate eskatzaileen zerrenda jasoko da, dirulaguntzako proiektuak eta proiektu bakoitzari zenbateko dirulaguntza eman zaion eta, bere kasuan, bestelako eskaeren atzera botatzea, horien zergatia emanaz, hala nola, aurrekontuaren esleipen faltari men egiten dietenak.

16.3. Dirulaguntza lehen aldiz eskatu duten entitate onuradunek aurkeztu beharko dute, 10 eguneko epean Ebazpena jakinarazi eta hurrengo egunetik, eman zaien dirulaguntza zenbatekoa emankor egiteko transferentzia bidezko abonua eskaera.

17.- Dirulaguntza itzultzea.

17.1. Dirulaguntzak emateko ebazpena baliogabetzeko arrazoiez gain (Dirulaguntzei buruzko azaroaren 17ko 38/2003 Legearen 36. artikuluan jasoak), jasotako zenbatekoak itzuli beharko dira, eta dirulaguntza ordaindu zen egunetik itzuli behar diren gainera ematen den arte sortutako berandutze-interesak eskatuko dira:

- a) Dirulaguntza lortzen denean horretarako eskatzen diren baldintzak faltsutuz edo hori eragotziko zuketuen baldintzak ezkutatu.
- b) Dirulaguntzaren xede den helburua, jarduera edo proiektua edo dirulaguntza emateko jarritako baldintzak burutu gabe uzten direnean, osorik nahiz hein batean, edo hartu behar zen jokabidea hartzen ez denean.
- c) Justifikazio betebeharra betetzen ez delarik edo behar bezala justifikatzen ez delarik.
- d) 15. oinarrian aurreikusitako elkarte adjudikaziodunen betebeharrak betetzen ez direnean.

17.2. Itzuli beharreko zenbatekoak eskubide publikoko diru-sarreretat hartuko dira eta diru-sarrerak jarritako epeetan egiten ez badira, premiamendu bidez eskatuko dira.

17.3. Jasotako kopuruak, guztiz edo partez itzuli behar badira, itzuli beharko dira ere, holakorik bada, sortutako berandutze-interesak itzuli behar horretatik aparte, bidezko diren zehapenak ezarri ahalko dira. Itzuli beharreko zenbatekoa zehazteko (jasotako funtsak guztiz edo partez) proportzionaltasun irizpidea kontuan hartuko da.

18.- Itzulketa-prozedura

Itzulketa-prozedura emandako dirulaguntza itzultzeko, Dirulaguntzei buruzko, azaroaren 17ko, 38/2003 Legearen 42. artikulua xedatutakoarekin bat egingen da.

19.-Helegiteak

Oinarri hauen aurka eta haiek betearazteko hartzen diren administrazio egintzen aurka errekurtso hauetako edozein aurkeztu ahalko da:

19.1.- Berraztertze errekurtsoa, hautara, egintza agindu edo erabakia hartu duen udal organoari berari zuzenduta, hilabeteko epean, egintza edo erabakia jakinarazi edo argitaratu

eta biharamunetik hasita, Herri Administrazioen Araubide Juridikoari eta Administrazio Prozedura Erkideari buruzko azaroaren 26ko 30/1992 Legearen 116 eta 117 artikuluek xedatutakoarekin bat.

19.2.- Zuzenik, administrazioarekiko auzi-errekurtsoa, Arlo bereko Epaitegiari edo Salari zuzendua, bi hilabeteko epean, erabakia jakinarazi edo argitaratu eta biharamunetik hasita, Administrazioarekiko Auzien Jurisdikzioa arautzen duen uztailaren 13ko 29/1998 Legearen 8.1 artikuluari jarraikiz.

19.3.- Eta, hautara, gora jotzeko errekurtsoa, Nafarroako Administrazio Auzitegiari zuzendua, hilabeteko epean, Erabaki hau jakinarazi eta biharamunetik hasita.

20.- Interpretazioa

Deialdi honetan sortu ahal diren auzi guztien erabakia bakarrik Estella-Lizarrako Udalaren eskumena izanen da, eta oinarri hauetan aurreikusi ez den guztirako Dirulaguntzak arautzen dituen udal ordenantza orokorra aplikatuko da, halaber, azaroaren 17ko 38/2003 Legea, Diru-Laguntzei buruzkoa eta horren Erregelamendua, uztailaren 21eko 887/2006 Errege Dekretuan onartutakoa, baita horrekin bat datorren gainerako arautegia eta aplikatzeko egokia dena ere.

21.- Datuen babesa

Datu pertsonalak babesteko 15/1999 Lege Organikoak xedatutakoaren bat, deialdi honi heldu ahal izateko jasotako datuak Estella-Lizarrako Udalaren Berdintasun Udal Zerbitzuaren fitxategi batean bilduko dira.

Estella-Lizarra, 2023ko en 27an- Estella-Lizarrako Udaleko Alkatea, Koldo Leoz Garciandia,

I. ERANSKINA –DIRULAGUNTZA ESKABIDEA

1. ENTITATEAREN DATUAK:

Izena:

IFZ:

Egoitzaren helbidea:

Telefonoa:

Ordez kariaren izen-deiturak:

Laneko eta familiako eginkizunak batera eramateko itunean egon: BAI EZ

Emakumeen elkarte edo elkarte mistoa

Banku kontuaren zenbakia:

2. PROIEKTUAREN IZENBURUA:

3. OINARRITU (arrazoiak azaldu)

4. HELBURUAK:

4.1. OROKORRAK

4.2. ESPEZIFIKOAK

5. EGIN BEHARREKO JARDURERAK (zerrendaturik)

6. JARDUERA-EGUTEGIA

7. METODOLOGIA, aplikatutakoa jarduera bakoitzaren proiektua egiteko eta bakoitzaren garapena azaldu.

8. BALIABIDEAK.

8.1 GIZA BALIABIDEAK (proiektuan parte-hartuko duten pertsonak, profesionalak zein boluntarioak...)

8.2. BALIABIDE MATERIALAK (lokalak, materialak...)

8.3. FINANTZA-BALIABIDEAK

- Entitate berak dituenak eta zenbatekoa adierazi.

Dirulaguntzak: aurreikuspena eta erakundeak adierazi.

9. KOKAPENA: Adierazi proiektua burutuko den tokia.

10. AURREKONTUA: Bi atal izanen ditu:

1. Gastuen aurrekontua

2. Diru-sarreraren aurrekontuak: Honakoa hartuko du barne:

- Entitate eskatzaileak jarriko dituen berezko baliabide ekonomikoak edo kideen kuoten bidezkoak eta/edo jarduerak egitea, etab.
- Jaso beharreko dirulaguntzak edo beste erakunde batzuetara eskatutakoak.
- Udalari eskatutako dirulaguntza.

II. ERANSKINA – BUKAERAKO MEMORIA

1. ENTITATEAREN DATUAK:
2. PROIEKTUAREN IZENBURUA:
3. EGINDAKO JARDUERAK
4. HELBURUEN EBALUAZIOA
5. APLIKATUTAKO METODOLOGIA.
6. BALIABIDEAK:
 - 6.1. GIZA-BALIABIDEAK (proiektua egitean parte-hartu duten pertsonak)
 - 6.2. BALIABIDE MATERIALAK (lokalak, materialak...)
 - 6.3. FINANTZA-BALIABIDEAK
Entitate berak dituenak eta zenbatekoa adierazi.
Dirulaguntzak: Adierazi zein erakunde.
7. EBALUAZIOA OROKORREAN
8. GASTUEN JUSTIFIKAZIOA:
 - 8.1. Entitate eskatzaileak jarri dituen berezko baliabide ekonomikoak edo kideen kuoten bidez, etab.
 - 8.2. Udaletik eta beste erakunde batzuetatik jasotako dirulaguntzak.
 - 8.3. Jatorrizkoak edo konpulsaturiko fotokopiak izatea, dirulaguntza eskainiko den aldian dataturik egotea, arduradunaren NAN zenbakia edo lizentzia fiskalaren zenbakia izatea, hornitzailearen zigilua eta sinadura edukitzea eta eskaera egitean aurkeztutako aurrekontuarekin bat etortzea.
 - 8.4. Jarduera burutu denaren egiaztagiri grafikoak, Estella-Lizarreko Udaleko eta Berdintasun Arloko logotipoekin

III. ERANSKINA.
ERANTZUKIZUNPEKO ADIERAZPENA
DIRULAGUNTZAREN ONURADUN IZATEKO BALDINTZAK BETETZEARI BURUZKOA
Adi: letra larriz bete

Jn./andrea
NAN zkia.
elkarte edo entitate honen izenean
IFZ zkia. _____),

ADIERAZTEN DU:

- Ordezkatzen duen erakundea inskribatuta dagoela Nafarroako Gobernuaren Elkarteen Erregistro Orokorrean, eta ez dela aldaketarik gertatu aipatu erregistroan aurkezturiko dokumentazioan.
- Entitatea ez dagoela sarturik Diru-Laguntzei buruzko azaroaren 9ko 11/2005 Foru Legearen 13. Artikuluan diru-laguntzen onuradun izateko ezarritako ezein debekuan.
- Entitatea zigor edo administrazio arloko zehapen baten ondorioz dirulaguntza edo laguntza publikoak lortzeko aukera galdu ez duela, eta horretarako desgaiak ekartzen duen legezko debekurik jaso ez duela.
- Entitate eskatzaileak:
 - Beste edozein administrazio publikoren edo entitate pribatu baten laguntzarik ez duela jaso eta/edo eskatu xede eta helburu bererako, emanak nahiz ebatzi gabe egon.
 - Beste edozein administrazio publikoren edo entitate pribatu baten laguntzak jaso eta/edo eskatu dituela xede eta helburu bererako, emanak nahiz ebatzi gabe egon.
 - o Erakundea:
 - o Zenbatekoa:

Eta horrela Estella-Lizarrako Udalaren aurrean jasota gera dadin, dirulaguntzak eskatzeko 2023an berdintasuna erdiesteko jarduerak garatzen dituzten elkarte eta entitateentzat, honako hau sinatzen du,

Estella-Lizarran, 2023ko

aren (e)an.

Deklaratzailearen sinadura



AYUNTAMIENTO
ESTELLA-LIZARRA
UDALA

ANEXO IV
DIRULAGUNTZA ESKATZEN DEN JARDUERAREN DIRU-SARREREN ETA GASTUEN ZERRENDA
SAILKATUA

AURREKONTU EREDUA	
GASTUAK	zenbatekoa
Aholkularitza técnicoa	
Materialak	
Lokalaren gastuak	
Finantza gastuak	
XXXX	
<u>OSOTARA</u>	-
DIRU SARRERAK	
Inskripzio-kuota	
Dirulaguntzak	
Dohaintzak	
OSOTARA	

LABURPENA	
OSOTARA	
GASTUAK	
DIRU SARRERAK	
ZENBATETSITAKO DEFIZITA	